



Meeqqat Angerlarsimaffiat Ivaaraq
Majavej B-1581
Postboks 147
3920 Qaqortoq

26. november 2018

Nal. nr./j.nr.: 2017-900-0015

All. nr./brevnr.: 58453

Sull./sagsbeh.: FH/jh

INAARUTAASUMIK NALUNAARUSIAQ

Ulloq unnuarlu paaqqinniffimmi Meeqqat Angerlarsimaffianni Ivaaqqami misissuineq

1. Aallaqqaasiut

Misissuiartortut Inatsisartut Ombudsmandianneersut ulloq unnuarlu paaqqinniffimmi Meeqqat Angerlarsimaffianni Ivaqqami (matuma kingornatigut Ivaqqamik taaneqartartussami) ullormik ataatsimik sioqqutsilluni nalunaaruteqarnikkut misissuineq 25.-27. september 2018-imi ingerlappaat. Misissuineq taanna Ombudsmandip Ivaqqami 2017-imi majimi misissuineranut malitseqartitsineruvoq.

Misissuiartortut tassaapput siunnersortit pisortaat Lasse Risager, immikkut siunnersorti Franz Amdi Hansen aamma oqalutsi/nutserisoq Ole Heinrich Ombudsmandeqarfimmeersut.

Qulequttat misissuinermi oqaloqatigiissutigineqartut ilaannaat nalunaarusiamini matumani ilanngunneqarput.

Ivaaraq aamma Isumaginninnermut Inatsisinillu Atuutsitsinnermut Naalakkersuisoqarfik nalunaarusiaagallartoq manna pillugu oqaaseqaatiminnik saqqummiussinissaminut periarfissaqartinneqarsimapput. E-maili ilanngussartalik Naalakkersuisoqarfimmit 21. november 2018-imi tiguara, tassanngalu erserpoq nalunaarusiaagallartoq Isumaginninnermik Aqutsisoqarfiup Ivaaraq peqatigalugu misissorsimagaa, tamannalu oqaaseqaateqarnissamut pissu-

tissaqalersitsisimangitsoq. Aamma e-mailimit erserpoq Aqutsisoqarfiup paasinninnera Naalakkersuisoqarfiup ilaleraa.

2. Misissuinermi inatsiseqartitsinikkut tunngavigisaq

Ombudsmandip misissuinerini inatsisikkut tunngavigisaq Inatsisartut Ombudsmandiat pillugu Inatsisartut inatsisaatigut (matuma kingornatigut Ombudsmandi pillugu inatsimmik taaneqartartussakkut) nr. 7-ikkut, 1. juni 2017-imeersukkut aalajangersarneqarpoq.

Ombudsmandi Inatsisartunit qinerneqartarpoq, tak. Ombudsmandi pillugu inatsimmi § 1, imm. 1, suliaminilli ingerlatsinermini Inatsisartunut attuumassuteqartuunani, tak. § 6, imm. 1. Kalaallit Nunaanni Namminersorlutik Oqartussat kommunillu ataanni pisortat ingerlatsiviisa ilaat tamarmik Ombudsmandip sulinerani pineqartunut ilaatinneqarput, tak. Ombudsmandi pillugu inatsimmi § 7, imm. 1-imi oqaaseqatigiit siullit.

Ombudsmandip suliassaa tassaavoq oqartussaasut inuilluunniit Ombudsmandip sulinerani pineqartunut ilaatinneqartut inatsiseqartitsinernik atuutunik unioqqutitsisumik iliuseqarnersut imaluunniit suliassaminnik ingerlatsinerminni allatut iliorlutik kukkussuteqarnermut sumiginnaanermulluunniit pisuussuteqarnersut nakkutigissallugu, tak. Ombudsmandi pillugu inatsimmi § 19, imm. 1. Ombudsmandi isornartorsuisinnaavoq, inassuteqaateqarsinnaalluni suliarlu pillugu paasinninnerminik saqqummiussinnaalluni, tak. Ombudsmandi pillugu inatsimmi § 20.

Ombudsmandi pillugu inatsimmi § 16-imi oqaaseqatigiitsigut siullertigut aalajangersarneqarpoq paaqqinniffiit suliffeqarfiilluunniit Ombudsmandip sulinerani pineqartunut ilaatinneqartut suulluunniit Ombudsmandip misissorsinnaagai. Taamatut misissuinermit atatillugu – Ombudsmandi pillugu inatsimmi §§-ini 19-imi 20-milu aalajangersarneqartut saniatigut – Ombudsmandip pissutsit paaqqinniffiup oqartussaasulluunniit aaqquussaaneranut ingerlanneqarneranullu tunngasut kiisalu pissutsit paaqqinniffimmik oqartussaasumilluunniit atuisut pineqartarnerannut taakkulu pillugit ingerlatanut tunngasut inuppalaartumik misigittartumillu isiginnittaaseq aallaavigalugu

naliliiffigisinnaavai, tak. Ombudsmandi pillugu inatsimmi § 16-imi oqaaseqatigiit aappaat.

3. Misissuinerup piareersarneqarnera ingerlanneqarneralu

Ombudsmandip Ivaaqqamik misissuineru siullesq 1. aamma 2. maj 2017-imi ingerlanneqarpoq. Inaarutaasumik nalunaarusiaq 6. december 2017-imi naammassineqarpoq.

Pissutsit arlallit Ombudsmandip nalunaarusiaani 6. december 2017-imeersumi eqqaaneqartut pillugit oqaaseqaatit Ombudsmandip Isumaginninnermut Inatsisinillu Atuutsitsinnermut Naalakkersuisoqarfimmit kiisalu Isumaginninnermik Aqutsisoqarfimmit e-mailitigut 28. marts 2018-imeersukkut aamma 16. juli 2018-imeersukkut tiguai. Nakkutilliisoqarfiup Ivaaqqami 2017-imi oktoberimi, 2017-imi novemberimi, 2018-imi januarimi aamma 2018-imi martsimi nakkutilliilluni misissuinerit pillugit nalunaarusiaasa assilineri Ombudsmandip aammattaq tiguai.

Ivaaqqami 25.-27. september 2018-imi malitseqartitsinertut misissuineq ingerlanneqassasoq Ombudsmandi tamatuma kingornatigut aalajangerpoq. Ivaaraq misissuisoqarnissaanik ulloq misissuiffiususaaq ullormik ataatsimik sioqqullugu kalerrinneqarpoq.

Misissuiartortut pisortaagallartoq pisortallu tullia misissuinermi oqaloqatigaat, taakkulu marluullutik Ombudsmandip 2017-imi majimi misissuinerata kingornatigut atorfinitsinneqarsimapput. Pisortaagallartoq 28. maj 2018-imi atorfinitsinneqarsimavoq, Ivaaqqamili siusinnerusukkut ukiuni arlalinni pisortatut atorfeqartitaasimalluni. Pisortap tullia 1. april 2018-imi atorfinitsinneqarsimavoq.

Sulisut 17-it ataasiakkaarlugit ilaqutaasorlu ataaseq misissuiartortunit aammattaq oqaloqatigineqarput. Tamatuma saniatigut paaqqinniffiup immikkoortotaqarfii marluk misissuiartortunit misissorneqarput.

4. Ivaaraq pillugu ataatsimut oqaatigisassat

Ivaaraq meeqqanik, inuusuttunik inersimasunillu innarluutilinnik ulloq unnu- arlu paaqqinniffiuvoq, Qaqortumilu inissisimalluni. 2018-imi aningaasanut i- natsimmi missingersuutinut ilanngussami oqaatigineqarpoq paaqqinniffik 19-inut inissaqartoq. Misissuinerup nalaani paaqqinniffimmi najugaqartut katillugit 15-iupput.

Immikkoortortaqarfik Tungujortoq aamma Immikkoortortaqarfik Sungaartoq Ivaqqap misissuinerup nalaani immikkoortortaqarfikai, sammisassaqaqtitsi- villu Orpikkamik taaneqartartoq Immikkoortortaqarfiup Sungaartup sania- niittoq aammattaaq atugaralugu. Immikkoortortaqarfik Qummut Ombuds- mandip 2017-imi misissuineru pillugu nalunaarusiami eqqaaneqartoq 2018- imi augustimi matuneqarsimavoq.

Immikkoortortaqarfik Tungujortoq Majavejimiippoq, qulinullu inissaqarluni. Misissuinerup nalaani paaqqinniffimmi qulit 18-it inorlugit ukioqartut naju- gaqarput.

Immikkoortortaqarfik Sungaartoq illumi Storesøvejimiittumiippoq, tallima- nullu inissaqarluni. Misissuinerup nalaani paaqqinniffimmi najugaqartut 18-it sinnerlugit ukiullit tallimaapput. Najugaqartut paaqqutarisarialerujussuup- put, ulluinnarnilu sunut tamanut ikiortariaqartuullutik.

5. Pingaarnerusutigut naliliineq

Paasivara Ivaqqami sulisorpassuit Ombudsmandip 2017-imi majimi misis- suinerata kingornatigut taarserneqarsimasut. Uanga paasisara unaavoq I- vaaqaami pisortaqatigiit sulisullu piffissami tassani annertoorujussuarmik sulisimasut. Sulisut Ombudsmandip 2018-imi septemberimi misissuinerani oqaloqatigineqartut malunnarput tunniusimasuusut, pikkorissuusut najuga- qartullu atugarissaarnissaannik ilorrisimaarnissaannillu pingaartitsisorujus- suusut.

Anartarfimmi aqunngatitsinissamut, uffaannissamut sammisaqaqtitsinissa- mullu piffissaaleqinermik ajornartorsiutit Ombudsmandip 2017-imi majimi

misissueqqaarnerani paasineqartut malitseqartitsivigineqarnissaat 2018-imi septemberimi misissuinerup siunertaraa. Qulequtaq taanna immikkoortumi 6-imi tulliuuttumi allaaserineqarpoq.

Misissuiartortut kigutininik saliinermut atatillugu pissaanermik atuinermik nalunaarutiginninnermut tunngasoq misissuinerumi aammattaaq malugaat. Tamanna immikkoortumi 7-imi sukumiinerusumik allaaserineqarpoq.

6. Suliartunngitsoortarnerit taakkualu najugaqartunut kingunerisaat

6.1. Pisut misissuineq sioqqullugu ingerlasimanerat

Ombudsmandip Ivaaqqamik misissuineru siullesq 2017-imi majimi pisoq pil-lugu nalunaarusiami 6. december 2017-imeersumi immikkoortuni 6-imi aamma 7-imi imatut allappunga:

"6. Anartarfirmi aqunngatitsinissamut uffaanssamullu piffissaqannginneq

Misissuiartortut misissuinerumi Tungujortuaqqami sulisut arfinillit, Sungaartumi sulisut pingasut Qummumilu sulisut pingasut oqaloqatigaat. Najugaqartut angajoqqaavi pingasut misissuiartortunit aammattaaq oqaloqatigineqarput.

Sulisunit taakkunannga qulit angajoqqaallu pingasut tamarmik oqaatigaat isumaqarlutik sulisunik amigaateqartarnek pingaartumik Tungujortuaqqami Sungaartumilu piffissat ilaanni ajornartorsiutaasoq annertoq. Sulisut taakkua ilaasa arlallit oqaatigaat sulisunik amigaateqarneq pingaartumik sapaatit akunnerisa naanerini akissarsiffiullu nalaani sulisut arlaliusinnaasut takkutinngitsoorfigisartagaanni immikkut ajornartorsiutaasartoq.

Tungujortuaqqami sulisut marluk sulisunik amigaateqarnerup kingunerisaanik ajornartorsiuteqarneq oqaluttuarigamikku tamanna "paaqqutarinninnikkut sumiginnaaneq"-tut taavaat.

Tungujortuaqqami Sungaartumilu sulisut arlallit - ilaqutaasullu - nassuiaatitut oqaatigaat sulisunik taamatut amigaateqarnerup nassatarisaasa ilaat tassaasoq najugaqartut piffissat ilaanni anartarfirmi aqunngasariaqaralutik taamaaliunngitsoortarnerat. Taamaalillutik najugaqartut nangiminni anartariaqartarlutillu quisariaqartarput.

Sulisut ilaata assersuutigalugu oqaatigaa najugaqartut ilaat ullormut pingasoriarlutik anartarfimmi aqunngatinneqarnissaat najugaqartut pillugit ullormut najoqqutassiami takuneqarsinnaasoq, ilaanneeriarlunili najugaqartut ilaasa ullormut ataasiaannarlutik aqunngatinneqarnissaat piffissaqarfigineqartartoq. Sulisup allap oqaatigaa najugaqartut anartarfimmi aqunngatinneqarnissaat pigaartuusumut tullermut utaqqisissallugu pisariaqarsinnaasartoq.

Sulisut marluk oqaatigaat najugaqartunik uffaanerup kinguartittariaqartarnera sulisunik amigaateqarnerup aamma nassatarigaa.

Sulisulli ilaasa misissuiartortunit oqaloqatigineqartut ajornartorsiutit taamaattut eqqartunngilaat. Soorlu sulisunik amigaateqartoqarsinnaasartoq Sungaartumi sulisup oqaluttuaraa, sulisulli suliassatik naammassisaraat, matumani najugaqartut anartarfimmi aqunngatinneqarnissaat aamma ilanngullugu eqqarsaatigalugu.

Anartarfimmi aqunngatitsisarneq uffaasarnerlu pillugit paasissutissat sulisunik oqaloqateqarnermi saqqummertut Ivaqqap pisortaanut Isumaginninnermillu Aqutsisoqarfiup sinnisaanut misissuiartortunit misissuinermi saqqummiunneqarput. Taakku oqaatigaat ajornartorsiutip annertussusiata sukumiinerusumik misissorneqarnera suleqatigiillutik pilertornerpaamik aallartinniaritsik, iliuuserineqartussallu pisariaqartut tamatuma kingornatigut iliuuserineqarniartut.

Oqaatigaara Tungujortuaqqami Sungaartumilu najugaqartut amerlanersaat paaqqutarineqarnissamik pisariaqartitsisorujussuusut. Najugaqartut taamaattut anartarfimmi aqunnganissamut uffarnissamullu taama pisariaqartigisunut piffissat ilaanni ikiorneqarsinnaanngipataluunniit uanga paasinninnera unaavoq paaqqinniffiup tungaanit ilungersunartumik sumiginnaasoqarnera pineqartoq.

Anartarfimmi aqunngatitsisannginneq uffaasannginnerlu pillugit sulisut angajoqqaallu misissuiartortunut nassuiaatigisaat ernumanarluinnartutut isigaakka.

Ivaaraq qinnuigaara ajornartorsiutip annertussusianik misissuineq taaneqartoq sunik takutitsinersoq paaqqinniffillu tamatuma kingornatigut qanoq iliuuseqarsimanersoq paasissutissiissutigeqqullugu.

7. Sammisqaqtitsinissamut piffissaqannginneq

Sulisut ilaqaatasullu arlallit misissuinermi nassuiaatitut oqaatigaat sulisunik amigaateqarnerup imm. 6-imi eqqartorneqartup manna aamma nassatarigaa, tassalu sulisut piffissat ilaanni najugaqartunik sammisassaqaqtitsinissaminnut perorsaanermilluunniit suliqaqtitsinissaminnut piffissaqartannginnerat.

Taamaalilluni sulisut ilaata oqaatigaa sulisut piffissat ilaanni suliassatik pingaarnersiun-narlugit suliarisariaqartaraat. Najugaqartut nerisinneqarnissaat nakorsaatitortinneqarnis-saallu salliutinneqartarpoq, najugaqartulli pillugit ullormut najoqqutassat malinneqarnis-saannut piffissaqartuaannartarani.

Najugaqartumut angajoqqaajusup misissuiartortunut oqaatigaa sulisut najugaqartunik sammisaqartitsinissaminnut piffissaqanngivissortut.

Najugaqartumut angajoqqaajusup allap oqaatigaa najugaqartut illoqarfimmi aqqissuussi-nernut ornigussinnaasannginnerat sulisunik amigaateqartarnerup nassatarisaraa.

Ivaaqqap pisortaata naggasiutaasumik ataatsimiinnermi misissuiartortunut oqaatigaa pe-rorsaanikkut sammisat naammaginngitsumik ingerlanneqarnerat paaqqinniffiup eqqumaf-figigaa, najugaqartunullu ullormut najoqqutassat pisortaqatigiinnit naleqqussarniarneqar-niartut, taamaaliornikkut ingerlatanut piffissaqarnerulersinnaajumallutik.

Najugaqartut, angajoqqaat pisortaqatigiillu najugaqartunik sammisassaqartitsinissamut piffissaqannginneq pillugu misissuiartortunut nassuiaataat ernumanartorujussuurtut isi-gaakka.

Inassuteqaatigaara najugaqartut ulluinnarni naleqquttunik sammisaqarnissamut periarfis-saqartinneqarnissaat qulakkeerniarlugu Ivaaraq suliniuteqassasoq."

Nalunaarusiami ilaatigut Ivaaraq qinnuigaara qulaani taaneqartut qanoq i-liuuseqarnissamut pissutissaqalersitsinersut paasissutissiissutigeqqullugu. I-vaaraq qinnuigaara paasissutissat Isumaginninnermut, Ilaqutariinnut, Nali-giissitaanermut Inatsisinillu Atuutsitsinnermut Naalackersuisoqarfik aqqutigal-ugu nassiuteqqullugit, taamaalilluni Naalackersuisoqarfik paaqqinniffiup o-qaatigisai pillugit oqaaseqaateqarnissaminut periarfissaqarsinnaaqqullugu.

Naalackersuisoqarfik tamanna tunngavigalu e-mailikkut 28. marts 2018-i-meersukkut ilaatigut imatut akivoq:

"Aallarniutigalugu naalackersuisoqarfik paasissutissiisnaavoq ombudsmandip maaji 2017-imi misissuiartoreernerata kingorna Nakkutilliiartortitat oktobari 2017-imi, novem-beri 2017-imi aamma januaari marsimilu 2018-imi sisamariarlutik nakkutilliiartorsimam-mata. Kingullermik tikeraarnermi nakkutilliiartornermut nalunaarusiamik inaarutaasumik peqartoqanngilaq, ukiakkut 2017-imi nakkutilliiartornermut aamma januaari 2018-imi nak-kutilliiartornermi nalunaarusiaq sammisaqarfiusumik malitseqartitsinertut isikkoqarpoq.

Ombudsmandip misissuiartoreernerata kingorna paaqqinnittarfimmi aqutsisut taarserneqarnerat pisimavoq, tamanna taamani pisortaasup 22. oktobari 2017-imi suliaartortussaa-titaajunnaarnerata pissutigivaa. Piffissallu ingerlanerani pisortamik nutaamik atorfinitsitsisoqarnissaata tungaanut pisortaagallartumik atorfinitsitsisoqarsimavoq.

Aqutsisuni taamatut allanngortoqarnerata kingunerisimavaa sammineqartut ilaasa ombudsmandip nalunaarusiamini taasaasa iluarsineqarnissaat pillugit alloriartoqarsimanerani. Taamaalisoqarneranilu pisortaagallartoq sulisut aqutsisullu akornanni nutaamik suleqatigiittoqalernissaa pillugu ineriartortitsilluni aallartissimavoq, taannalu aqqutigalugu isumasioqatigiittoqarsimavoq Ivaqqami naleqartitat oqallisigalugit. Tamatuma saniatigut aqqissuussaannermut pilersaarusiortoqarsimavoq, sulisunilu piginnaasanik ineriartortitsineq aqqiagiinnginnerillu qaangerniartarnerat sammineqarnerulersimallutik. Paaqqinnittarfimmili suli unammisassaqqarpoq Naalackersuisunit maluginiarneqartunik.

Immikkoortunut ataasiakkaanut tunngatillugu naalackersuisoqarfik makkuningga oqaaseqaateqarniarpoq:

Imm. 6 - perusersartarfiliarnissamut uffarfiliarnissamullu piffissaqannginneq.

Najugaqartunut ullormut pilersaarutini tamani perusersartarfiliarnissamut uffarfiliarnissamullu aalajangersimasunik piffissaqartitsisoqarpoq. Immikkoortortaqqarfimmi aqutsisup ullormut pilersaarutit tamakku malinnaavigai, sulisuniillu malinneqarnersut nakkutigalugit. Paaqqinnittarfimmiit nalunaarutigineqartut malillugit tamanna sapaatip akunneranut ataasiarluni ataatsimiittarnerni immikkut isiginiarneqarpoq, sulisullu napparsimanertik pissutigalugu sulinngitsoortillugit qaqutigut taamaalisoqartartoq oqaatigineqarluni.

Kingullermilli marsi 2018-imi nakkutilliiartornermi nalunaarusiaagallartumi takuneqarsinnaavoq upalungaarsimanissamut ulluni sulisut 20 %-ii aamma 50 %-ii sulinngitsoortillugit qanoq isumassuinissat paaqqinninnissallu suliarineqartarnersut pillugit pilersaarusiortoqassasoq, taamaalilluni suliassat sorliit pingaartinneqarnerussanersut erseqqissiniassamata. Nakkutilliiartortitat tikeraarnerup nalaani ilaatigut napparsimanerpassuit pissutigalugit sulinngitsoornerit amerlaqisut, ilaatigullu sulisut akornanni taarseraannerujussuit erseqqissaaffigineqarput.

Imm. 7 - sammisassaqqartitsinernut piffissaqartannginnerit.

Ombudsmandi kingullermik misissuiartormalli sammisassaqqartitsiviusartoq Orpigaq imermik annertulaartumik ajoqusersimanerata kingorna ammaqqittoq paaqqinnittarfimmiit paasissutissiissutigineqarpoq. Tassani najugalinnut sammisassat piareersakkat pinnguaariaatsinik, pinnguaatinik, nipilersornernik, iffiornermik malugissutsimullu atortunik perorsaariaatsinik neqeroorutininik imallit nassaassaapput. Orpikkami sammisassanut ingerlatasanut pequtinik atortunillu assigiinngitsunik pisiortornissamut aningaasaliisoqarsimavoq.

Najugallit angallarinnerpaat immikkoortorta qarfianiittunut illoqarfimmi sammisassaannik piareersarluakkanik suliaqartoqarsimavoq, taakkua najugalinnut neqeroorutaasinnaapput, assersuutigalugu klubbimi, atuagaate qarfimmi allallu kulturimi aaqqissuussat. Taassuma saniatigut sapaatip akunnerata naanerani, illoqarfimmi aaqqissuussinernut assigiinngitsunut biiliunneqarnissamik najugallit angallarissut periarfissaqalernerat pisortaagallartup aaqqissuussimavaa.”

Nakkutilliilluni misissuinerit pillugit nalunaarusiat taakku tamatuma kingornatigut Isumaginninnermut Inatsisinillu Atuutsitsinnermut Naalakkersuisoqarfimmit pissarsiariniarpakka.

Ivaaraq allakkatigut 15. juni 2017-imeersutigut qinnuigaara najugaqartut a-nartarfimmi aqunngatinnissaannut, uffarnissaannut sammisassaqartinneqarnissaannullu piffissaqannginneq pissutigalugu ajornartorsiutit pillugit ilassutaasumik oqaaseqaateqaqqullugu. Ivaaraq ilaatigut qinnuigaara suliniutit suut Nakkutilliisoqarfiup nakkutilliilluni 2018-imi martsimi misissuinerata kingornatigut paaqqinniffiup aallartissimanerai paasissutissiissutigeqqullugu. Ivaaraq qinnuigaara oqaaseqaanni Isumaginninnermut Inatsisinillu Atuutsitsinnermut Naalakkersuisoqarfik aqutugalugu nassiateqqullugu, taamaalilluni Naalakkersuisoqarfik paaqqinniffiup oqaatigisai pillugit oqaaseqaateqarnissaminut periarfissaqarsinnaaqullugu.

Isumaginninnermut Inatsisinillu Atuutsitsinnermut Naalakkersuisoqarfiup e-mailikkut 16. juli 2018-imeersukkut iliuusissanut pilersaarutitut 22. marts 2018-imeersutut taaneqartumik Isumaginninnermik Aqutsisoqarfiup Ivaaqgami 2017-imi kiisalu 2018-imi januarimi martsimilu misissuisimanerintu uiggiullugu suliarineqarsimasumik ilaqartinneqartukkut akivaanga. Isumaginninnermik Aqutsisoqarfiup oqaaseqaataa e-mailimut tassunga ilanngullugu nassiunneqarpoq, Aqutsisoqarfillu ilaatigut imatut allappoq:

“Apriilimi maajimilu pisortamik pisortallu tullianik atorfinitsitsisoqarpoq kiisalu sapinngisaaq malillugu qitiusutut sulisunik sulilersitsisoqarsimalluni, tassunga ilanngullugit sulisut peqqissaanermik ilinniagallit. Pisortaq pilersitseqqinnissamik pilersaarut naammassisussanngorlugu atorfinitsinneqarsimavoq aamma ukiap ingerlanerani pisortamik nutaamik atorfinitsitsiniartoqassaaq. Massakut najugallit amerlassusii tunngavigalugit amerlaqataannik

sulisoqarpoq, aggustillu aallaqqaataani 2018-imi perorsaasut ilinniarsimasut marluk atorfinitsinneqassapput, ataaseq septembarip aallaqqaataani 2018-imi kiisalu aggustip aallaqqaataani isumaginninnermi ikiorti, tamanna isumassuinnermi/perorsaanerme sulinnermut eqqarsaatigalugu malunnaataassaaq. Sulisut najugallit ullormut pilersaarutaat malillugit massakut sulilereersimapput, tasanilu perusersartarfiliartitsisarnerit ilaapput. Sapaatit akunnerini 36-mi 37-imilu sianiutikkut innarlerneqarnikunut perorsaanerme periutsinik sulisut tamarmik ilinniartinneqassapput.

“Orpikkami” pisortaq qaammatikkaartunik sammisassaqtitsinernik pilersaarusiorsimavoq, aasaaneranilu sulinngiffeqarnerme pilersaarusiaq suliarineqarsimalluni.

“Orpigaq” imermik ajoquserneqarsimanera pissutigalugu matoqqanikuusimavoq, natillu taarsersorneqarnera naatsorsuutigisamiit piffissaq annertunerusoq atorneqarsimalluni, taamaattumillu piffissami sivisoorujussuarmi atorneqarsimanani.”

6.2 25.-27. september 2018-imi misissuineq

6.2.1. 25.-27. september 2018-imi misissuinnerme misissuiartortut sulisunik 17-inik oqaloqateqarput, taakkunanngalu qulit Immikkoortortaqarfimmi, Tunngujortumi arfineq marlullu Immikkoortortaqarfimmi Sungaartumi sulisuupput.

Sulisut taakkua amerlanersaasa oqaatigaat suliartunngitsoortarnerit pissutigalugit sulisunik amigaateqartarneq Ivaqqami suli ajortartorsiutaasoq, pingaartumik akissarsiffiup nalaani sapaatillu akunnerisa naanerini. Sulisulli sulisunik taamatut amigaateqartarnerup paaqqinniffimmi najugaqartut eqqarsaatigalugit qanoq sunniuteqarneranik paasinninnerat assigiinngisitaarpoq.

Taamaalillutik sulisut arlallit oqaatigaat sulisunik piffissat ilaanni amigaateqartoqartaraluartoq najugaqartut anartarfimmi aqunngatinneqarnissaannut, uffarnissaannut nangiisaluunniit taarsernissaannut ikiuinissamut piffissaqartarlutik. Sulisut ilaata assersuutitut oqaatigaa najugaqartut anartarfimmi aqunnganissaannut ikiuinissamut siusinnerusuklut piffissaaleqisoqartarsimasoq, taamaakkunnaarsimasorli.

Sulisut allat tamatuma paarlattuanik oqaatigaat suliassat taakkua kinguartinneqarnissaat ilanneeriarluni pisariaqarsinnaasartuq. Sulisulli najugaqartunik anartarfimmi aqunngatitsinissaminnut piffissaaleqillutik misigisarsimasut tamarmik oqaatigaat tamanna qaqutiguinnaq pisarsimasuq, anartarfimiluunniit aqunngatitsinissat sivikitsuinnartumik kinguartinneqartariaqartarsimasut.

Sulisut ilaata assersuutitut oqaatigaa najugaqartut ilaat piffissaq eqqorlugu uffanngitsoorneqarsinnaasartut, najugaqartumullu ullormut malitassiaq eqqarsaatigalugu anartarfimmi aqunngatitsinissat 15-20 minutsinik kinguartinissat ilanneeriarluni pisariaqartarsimasuq. Nanginik taarsiinissamik pilersaarutaareersut aamma kinguartinneqarsinnaasarsimapput, taamaattoqartilluguli nanginik taarsiinissaq qaqugukkut pisariaqalissanersuq sulisut nakkutigisarsimavaat.

Sulisut arlallit aammattaq oqaatigaat najugaqartunik sammisassaqaartitsinerit pilersarusiorneqarsimasut amerlasuut sulinngitsoorsimatillugit naammassiuminaassinnaasartut.

Kiisalu Immikkoortortaqarfimmi Sungaartumi sulisut arlallit misissuiartortunut oqaatigaat piffissat ilaanni sulisussaaleqiffiusuni najugaqartut tasitsaartinnissaat angumeriuminaassinnaasartuq. Immikkoortortaqarfimmili tassani aamma sulisoqarpoq tasitsaartitsinissaminnik angumerinnissinnaalluarlutik oqaluttuurtunik.

6.2.2. Misissuiartortut misissuinermi Ivaqqami pisortaagallartoq pisortallu tullia ilaatigut paaqqinniffimmi suliartunngitsoortarnerit sulisussaaleqisarnernerlu pillugit oqaloqatigaat.

Pisortaagallartup oqaatigaa paaqqinniffiup sulisuisa ilaasa suliartunngitsoortarnerat pissutigalugu siusinnerusukkut annertuunik ajornartorsiutissaqartarsimasuq. Taamaattumik sulinngitsoornerit atorfinitsitsisarneq pillugu inatsiseqartitsinikkut pineqaatissiisutunik malitseqartitsivigineqartarnissaat Ivaqqami pisortaqaatigiit eqqumaffigisorujussuaat. Sulisut mianersuqqune-

qartareeraluarlutik aalaakkaanngitsumik suliaartortartut soraarsinneqartarput, 2018-imilu aasap ingerlanerani sulisoqatigiit ilarpassui taarserneqarsi-mallutik.

Ivaaqqami sulineq aammattaaq piareersarneqartarpoq soorlu sulisut sapaa-tit akunnerisa naanerini akissarsiffiusuni siusinnerusukkut suliaartunngitsoor-tarsimasut piffissani taakkunani sapinngisamik pigaartunngortinnaveersaar-neqartarnerisigut.

Suliniutit taakku suliaartunngitsoortarnernut iluaqutaasumik sunniuteqarsi-mapput. Najugaqartut anartarfimmi aqunngatinnissaannut uffarnissaannullu ikiuinissamat piffissaqarniarneq siusinnerusukkut ajornartorsiutaasarsima-voq, pisortaqatigiilli isumaqarput taamaakkunnaarsimasoq. Suliaartunngit-soortarnerit paaqqinniffiup sulisuinik 2018-imi septemberimi ipikkorissartit-sinerup kingornatigut suli ikinnerulersimapput. Sulili sulisoqarpoq soorlu a-kissarsiffinni suliaartunngitsoortartunik, taamaattumik ajornartorsiut taanna paaqqinniffiup sulisuisa ataatsimiinnerini suli oqaloqatigiissutigineqartarpoq. Suliaartunngitsoortarnerit taakku qanorpiaq amerlatiginerat pisortaqatigiit ili-simannigilaat, tassami tamanna pillugu kisitsisitigut naatsorsueqqissaarnerit piffissap qaninnerusup ingerlanerani suliarineqarsimannimmata. Ivaaqqa-mili pisortaqatigiit taamatut naatsorsueqqissaarnermik suliaqaleqqinniarlutik pilersaarutigaa, sulisut ajornartorsiutip annertusussusianik ilisimatinneqar-talersinnaaqqullugit.

Ivaaqqami sulisussaaleqinerup ajornartorsiutaanerata qanoq annertutiginera naatsorsueqqissaartarsimanninneq ilaatigut pissutigalugu nalilersinnaan-gilara. Taamatuttaa q taamatut sulisunik amigaateqarneq paaqqinniffimmi najugaqartut isumagineqarnissamik paaqqutarineqarnissamillu ataasiak-kaarlutik pisariaqartitsinerinut matumani qanoq sunniuteqarsimanersoq su-liamik misissuineq aallaavigalugu nalilersinnaanngilara.

Pissutsilli taamaakkaluartut uanga paasisakka ukuupput Ivaaqqami sulisut suliaartunngitsoortarnerannik ajornartorsiutit Ombudsmandip paaqqinniffim-

mik 2017-imi majimi siullermik misissuineranut sanilliugit massakkut erseqqissumik annikilleriarsimasut.

Paasisakka aammattaaq ukupput suliaartunngitsoortarnerit taakkua kingunerisaat – soorlu nujaqartunut anartarfimmi aqunngatinnissaannut uffarnissaannullu ikiuinissamat piffissaaleqisarneq – siusinnerusumut sanilliullugu erseqqissumik annikilleriarsimasut.

Malugaara paaqqinniffimmi suliaartunngitsoortarnernik naatsorsueqqissaartarneq aallartinniarlugu Ivaaqqami pisortaqatigiit pilersaarutigigaat. Naatsorsuutigaara suliaartunngitsoortarnerit pillugit ajornartorsiutaasinnaasut naatsorsueqqissaarnerup taamaattup takutikkumaagai aaqqinniarlugit suliutit pisariaqartut pisortaqatigiit aallartissagaat.

7. Kigutininik salinermi pissaanermik atuinerinik nalunaarutiginninneq

Isumaginninnermik suliassaqarfimmi pissaanermik atuineq pillugu Inatsisartut inatsisaanni nr. 1-imi, 21. november 2013-meersumi (matuma kingornatigut pissaanermik atuisarneq pillugu inatsimmik taaneqartartussami) kapitali 7 aamma kapitali 10 paaqqinniffiit il.il. najugaqartunut pissaanermik atuisut pissaanermik atuineq pillugu paasissutissanik arlannik nalunaarsuisasut paasissutissanillu taakkuninnga ilaatigut Naalakkersuisunut kommuniullu nalunaarutiginnittarnissaat pillugu malittarisassanik ima qarput.

Ivaaqqami pisortaqatigiit misissuinerinik oqaatigaat sulisut, paaqqinniffimmi najugaqartut arlallit eqqarsaatigalugit taakku kigutaat salinneqassatillugit, soorlu aalasinnaajunnaarsitsilluni tigumminninnermikkut pissaanermik akutunngitsumik atuisariaqartartut. Pisortaqatigiit oqaatigaat Ivaaqqami pissaanermik atuinerinik taamaattunik nalunaarutiginninneq ajortoq, pissaanermilli atuinerinik taamaattunik siunissami nalunaarutiginnittoqartarnissaa siunertaasoq.

Inassuteqaatigaara najugaqartut kigutaannik salinermi aalasinnaajunnaarsitsilluni tigumminninnerit pissaanermik atuisarnerit inatsimmi malittarisas-

sat tungavigalugit nalunaarutigineqartarnissaat Ivaaqqap qulakkiissagaa, aalasinnaajunnaarsitsilluni taamatut tigumminneq pissaanermik atuinertut pissuseqarpat.


8. Naggasiut

Ivaaraq qinnuigaara nalunaarusiaq manna paaqqinniffimmi sulisunut, najugaqartunut ilaquataasunullu paasissutissiissutigeqqullugu.

Nalunaarusiap matuma assilinera Isumaginninnermut Inatsisinillu Atuutsitsinnermut Naalakkersuisoqarfimmut ilisimatitsissutitut nassiuppara.

Ombudsmandip Ivaaqqamik misissuina pillugu suliaq matumuuna inaarlugu suliarineqartutut isigaara.

Nalunaarusiaq manna nittartakkanni www.ombudsmand.gl-imi tamanut saqqummiunneqarumaarpoq, 2018-imilu ukiumoortumik nalunaarutinni ilanngunneqarumaarluni.

Inuulluaqqusillunga
Ombudsmandi sinnerlugu

Kim Blokbo
Inatsisilerinnermi pisortaq